



外科大成卷之三

太醫院御醫燕越郝坤廣生甫 輯著

分治部

此係頭面小疵及眼耳口鼻喉舌等部位因其  
症治多岐不可紊亂於大毒之內故另立之以  
便檢閱

頭部

頭痛頭瘋

頭痛頭瘋多由風火濕痰四氣所致或因梅毒上或  
及婦人產後當風梳洗太早並宜天麻餅子新久

悉效及魚鰾散無憂散俱可選用若頭仰視深者  
危裏痛搖頭者重頭痛連腦手足冷者死脉則浮  
滑易愈短澁難醫再如頭痛發熱氣喘而左手脉  
大於右手者虛也速用參芪歸朮陳皮甘草加大  
附子佐以茯苓芍藥數劑大汗而愈若以右手爲  
內傷左大爲外感寧不悞耶

### 天麻餅子

治頭痛頭風及頭目昏眩項背拘急肢體煩痛  
肌肉蠕動耳鳴鼻塞皮膚頑麻搔痒癰疹又治  
婦人頭風眉稜骨痛牙齒腫痛痰逆惡心等症

天麻

川芎

細辛

蒼朮

防風

白芷

薄荷

甘草

白附子

甘草

草烏

川烏

二烏湯  
泡去皮

各五錢

全蝎三錢

爲末用寒

食麪打糊爲丸菀豆大捻作餅子每服二十三餅食後細嚼葱湯送下火熱痰痛茶清送下甚者日進二服忌諸般發物

魚鰾散

治八般頭風

魚鰾

用裙帶者剪碎用藤蓆剪碎同炒胖透去蓆

爲末每服三錢卧時葱酒調服

日輕夜重者

血虛頭痛也用當歸一兩酒二鍾煎一鍾調服

梅毒頭痛自腫者用本門湯藥內調服

蠲痛無憂散

治偏頭痛立驗

方見諸痛門

油風

油風則毛髮成片脫落皮膚光亮痒如虫行者是由風熱乘虛攻注血不能榮養所致宜神應養真丹服之以培其本海艾湯洗之以治其標

神應養真丹

治風寒暑濕襲於三陽部位以致血

脉不能榮運肌膚虛痒眉髮脫落皮膚光亮

見服部

海艾湯

海艾

菊花

薄荷

防風

藁本

藿香

荆芥穗

茸松

蔓荊子

各五錢

用水五碗煎入盆內先薰後洗

白屑風

白屑風生髮內及面目耳項初起微痒久生白屑叠叠飛起脫之又生由肌熱當風風熱之所化也宜祛風換肌丸

治白屑風紫白癬風頑風頑癬濕熱瘡疥一切痒瘡日久不絕愈而又發者

威靈仙 石菖蒲 大胡麻 何首烏

天花粉 苦參 蒼朮 牛膝等分

當歸 川芎 甘草減半

右爲末用新安酒跌丸菡豆大每服二錢白滾

湯送下忌發物火酒

玉肌散 洗白屑風及風濕雀班酒刺

菡豆半升 滑石 白芷 白附子各二錢

右爲末每用三匙洗面時用之

潤肌膏 治白屑風油風及禿瘡白班作痒

麻油四兩 當歸五錢 紫草一錢 浸三日文火燥枯去

渣入黃臘五錢溶  
化傾碗內搽患處

# 禿瘡

禿瘡生白痂成箇而不相連若癰瘡則生黃痂成片  
有膿爲異耳夫頭爲諸陽之首而瘡亦屬火乃二  
陽相灼所致其治法必當解陳莖之積熱導心經  
之煩燥故宜以防風通聖散俱用酒浸過焙爲末  
每日三服量兒大小食後白滾水調服服至頭上  
有汗出爲驗外兼以殺虫散風等藥搽之若虫死  
則痒止風散則髮生血潮則班潤隨用生薑蘸潤  
肌膏擦之則髮生矣忌動風發物

麥餞散

治禿瘡白痴壘疊痒若虫行者先用艾葉鴿巢煎湯洗淨瘡痴次用肥猪肉湯洗之良久其虫自出隨用躑躅花油調麥餞散搽之羶帽戴之隨後作痛發腫忍之三日後其痴漸落其髮目生矣戒諸發物

躑躅花油方 取根四兩搗爛用菜油一碗煤枯

去渣入黃臘少許冷調前藥或用青布蘸此臘油每日上三五次三日可愈

麥餞方 用小麥一升炒枯黃色乘熱入鉢內和

硫黃四兩白砒一兩爲細末攪勻待冷取起加  
烟膠半觔川椒三兩生枯礬各二兩其研細末  
用時以葱湯洗淨用蒜油調搽油紙蓋扎三日  
一換三次卽愈又治小兒痘風瘡甚效

### 華蓋散

用糯米煮爛飯搗如膏隨將禿瘡剃淨將米膏  
厚敷之其虫盡入米膏中俟膏自脫髮自生矣  
一用白菀豆爲末水調糊頭上一指厚布裹之  
帶束之俟豆蒸發則覺痛矣去藥亦效

### 鼠蒜膏

治白禿及諸瘡疥癬起白痂者

鼠糞爲末拌大蒜和成膏塗之

癰瘡

由母受胎之日食酸辣  
海味太過多生此瘡

烏雲膏

治頭癰并坐板膿疥及下部寒濕等瘡

松香末爲君硫黃末減半和勻香油拌如糊攤  
南青布條上少半指厚捲成條線扎之再用油  
浸一日取出刮去餘油以火點着一頭下以粗  
碗接之其布灰陸續剪去取所滴藥油浸冷水  
內一宿出火毒擦用

連蛤散

治頭癰頭瘡

黃連

文蛤

黃栢

白芷

等分

爲末用水調攤於碗內覆於磚上燒艾薰之以  
黑軋爲度再研爲末清油調敷 一用生牛皮  
燒存性爲末陳醋調敷 一生於面者用百藥  
煎五錢生白礬二錢爲末香油調敷

### 螻蛄癰

螻蛄癰卽鱔拱頭其因有二胎中受者小而悠遠生  
後受毒者大而易愈但其內有衣膜故愈而復發  
未潰時用紺珠膏貼之膿熟者針之插三品一條  
鎗於孔內化盡內膜自不再發又有不腫而不收  
口者必風襲之也用敗銅散搽之兼戒口味 一

擇吉日須午時於北房門檻前側卧耳前有穴名  
螻蛄穴用麥粒大艾於穴上灸之只一壯即愈

敗銅散 螻蛄癰已破而不收口者化銅舊礮子爲

細末用香油調敷

紺珠膏

見首卷

三品一條鎗

見癰瘡門

髮際瘡

髮際瘡爲生於髮際間也其形如粟如芡實頭白肉  
赤痛痒相兼甚則狀如葡萄而更痛由風熱上壅  
所致宜紺珠丹發之或酒製防風通聖散解之  
生髮內頂平而痒結黃蠟痂者梅瘡也 生腦後

窩中發痒流汁浸淫者名燕窩瘡治同癰瘡

絳珠丹

見首卷

酒製防風通聖散

見禿瘡門

面部

面屬乎諸陽而統屬惟陽明胃也其或胃熱則面熱胃寒則面寒宜升麻湯熱加黃連寒加附子

胃有風熱則面浮腫胃有濕熱則面生瘡或面鼻紫色或風刺癢疹宜升麻消毒散及秦

芄湯黑龍丸二參湯

黃水瘡

黃水瘡頭面耳項忽生黃粟破流脂水頃刻沿開多生痛痒由外傷風熱內傷濕熱所致宜升麻消毒

散清之鹽湯洗之青蛤散搽之

升麻消毒散

治面腫生瘡

羌活

防風

升麻

白芷

桔梗

連翹

枝子

芍藥

金銀花

甘草

牛蒡子

如身有瘡加  
歸尾紅花

用水二鍾煎八分食遠熱服

外用杏仁去皮

尖杵如膏敷之

青蛤散

治黃水濕熱等瘡

蛤粉

煨一兩

石膏

煨一兩

輕粉

五錢

黃柏

生五錢

青黛

三錢

右爲末先用香油調成塊次加凉水調稀將瘡洗淨薄塗患處

### 二白散

治黃水瘡頭癰眉癰耳蝕羊鬍子燕窩膿窠等瘡

呂粉一兩水調攤碗內艾薰五七次以粉黃色爲度加輕粉一兩

爲末用麻油煤槐枝稍枯去渣取油調敷患處

### 一黃散 治症同前

黃連一兩爲末水調攤碗內艾內加川山甲一分燒薰以純黑爲度

加輕粉五錢冰片二分

用槐枝煎油調敷或猪膽汁調敷

二合散 治症同前

呂粉

炒

槐花

炒等分爲末聽用

老松香

一兩

銀硃

四錢

共爲末紙捲成條蒜油浸透火蘸着一頭滴下油藥以器接之用調前藥三次卽愈

睪癰

生兩睪間形如疥癬屬肝膽二經熱用柴胡枝子散因乳母食厚味醇酒者加味清胃飲因鬱怒者加味逍遙散母子同服

面瘡

煎鹽湯浸繇花貼之洗之日五七次

一用

鯽魚頭燒存性爲末醬內清汁調敷